


蟬

史

集

釋史集卷之五



毛蟲類

馬

埤雅云馬一歲曰駒又曰犢二歲曰駒三歲曰騊八歲曰
馱馬八歲一變說文云馬怒也武也象馬頭髮尾四足之
形馬字古作𩇑字馬不純曰馱上馬曰騊乘馬曰騎御馬
曰馱習馬曰馱馬行曰騊馬走曰騊疾走曰馳奔曰騊行
捷曰騊行疾曰馱馬馳曰騊又曰騊行速曰騊馬止曰駐

埤雅曰相馬之法肝欲其小耳小則肝小肺欲其大鼻大則肺大脾欲其小臘小則脾小心欲其大目大則心大又曰眼欲其有紫艷口欲其有紅光上唇欲其緩下唇欲其急上齒欲鈎鈎則壽下齒欲鋸鋸則怒脊欲大而抗額欲方而平喉欲曲而緩胃欲直而出兔腋欲開虎口欲開升肉欲大而明輔肉欲大而明耳欲如犢竹睛欲如懸鈴頭欲高如剝兔項欲起如飛龍又曰人眼鳥目麋背麟腹虎胃龜尾犛頭如鷹垂尾若雉又曰望之大就之小筋馬也望之小就之大肉馬也前視見目旁視見腹後視見足駿馬也毛束皮皮束筋束肉束骨五者兼備天下之良

馬也又曰口中紅白間色者壽鼻中紅色如朱點書者壽
眼中赤色如字形者壽一筋從玄中出音謂之蘭筋者玄中
上陷如井字蘭筋堅者千里馬也

相馬經云馬生下墮地無毛行千里辰舉一脚行五百里
蘭筋堅者千里馬膝如團翹千里馬一歲上下齒二十四
歲齒黃三十二歲齒白馬頭為王欲得玄目為丞相欲明
脊為將軍欲得強腹為城郭欲得張四下為令欲得長眼
欲得高匡睛欲如懸鈴鼻孔欲得大鼻頭欲得有王火字
口中欲得赤膝骨欲圓而張耳欲得相近堅小而厚伏龍
骨欲得成頸欲得長雙跌欲得大而突蹄欲得厚腹下欲

得平有八字尾骨欲得高而垂凡相馬之法先除三羸五
駑乃相其餘大頭小頭一羸弱脊大腹二羸小腳大蹄三
羸其五駑者大頭緩耳一駑長頸不折二駑短上長下三
駑大脰短脅四駑淺體薄髀五駑又曰馬汗溝欲深脊欲
伏龜兩邊有迴毛曰騰蛇殺主口邊有迴毛曰銜禍妨主
白額入口名曰的盧奴乘客死主乘棄市迴毛在目下曰
承淚不利人也

萬花谷曰相馬之法水火在鼻兩孔間牙欲前向去齒一
寸則四百里牙劍封則千里目欲滿而澤肋欲長而懸股
欲厚而緩腹下欲平滿汗溝欲長咬欲開膝欲方蹄欲厚

三寸堅如石春秋考異記云地生月精為馬月數十二故馬十二月而生春秋說題辭云地精為馬十二月而生應陰紀陽以合功故人駕馬任重致遠利天下月度疾故馬善走草木子曰馬四歲而兩齒至二十歲齒盡平我馬八尺由馬七尺駕馬六尺猪槽飼馬石灰泥槽汗而繫門三事落駒埤雅云馬與蚕同氣物不兩大蚕四月死五月再生蚕盛則馬病故周官禁原蚕周禮註云蚕為龍精與馬同祖一歲再蚕則蚕勝而馬衰故禁之蜀人祀馬頭娘以祈蚕周禮云馬生于午稟火氣而生火不能生木故有肝無膽膽木之精氣也木臟不足故食其肝者死

周官馬質掌質馬一曰戎馬二曰田馬三曰騶子馬皆有

物賈綱惡馬周官校人掌王馬之政辨六馬之屬種馬一

物良馬戎馬一物戎馬騶馬一物騶馬齊馬一物騶馬道馬一物騶馬

馬道田馬一物騶馬騶馬一物騶馬騶馬一物騶馬騶馬一物騶馬

乘之乘馬一師四圍騶馬一物騶馬一物騶馬騶馬一物騶馬

馬人王之三阜為繫騶馬一物騶馬一物騶馬騶馬一物騶馬

廐六疋為廐廐一僕夫上士之六廐成校六疋王馬少備

校有左右為左右騶馬三良馬之數騶馬三騶馬一圍騶馬

騶馬是二騶馬八騶馬一師騶馬一師騶馬一師騶馬一師騶馬

八趣馬一騶夫之教五千五百五十六良馬

而王馬天子十有二閑左六版成校校有馬六種邦國六閑

諸侯良馬三閑馬四種戎無種馬家四閑閑卿大夫良馬一馬二

種止有田凡馬特居四之一特壯馬也二牝一春祭馬祖

祭天執駒馬二歲為駒性未定夏祭先牧祭始養領馬攻

特壯馬蹄蓄不可乘用故秋祭馬社祭始乘臧僕簡為取

善冬祭馬步祭神為災獻馬獻成馬講馭夫又趣馬掌贊

正良馬而齊其飲食簡其六節掌之領辨四時之居治

以聽馭夫又有巫馬牧師庾人圉師圉人皆養馬之官也

考工記註云種馬駕玉路戎馬駕革路齊馬駕金路道馬

駕象路田馬駕木轡駕馬駕役車又曰國馬高八尺田馬

高七尺駕馬高六尺或曰馬八尺以上為龍七尺以上為騊六尺以上為馬

爾雅云宗廟齊毫

純

戎事齊力

純

田獵齊足

純

埤雅云古者天子乘龍諸侯乘馬故易以龍叙乾以馬鳴坤而天子乘龍駕六諸侯乘馬駕四白虎通曰天子駕六者示有事于天地四方也

蟬史云易說卦傳言乾為良馬為老馬為瘠馬為馵馬蓋乾為純陽至健言馬之德馬之良也諸卦乾為陽之極言馬之齒馬之老也六陽堅強多骨少肉陽動陰靜馬動不已則瘠言馬之形馬之瘠也說文云駉白曰馵詩云皇駉

其馬蓋駸為馬之上色古者國君乘之國君所乘馬之貴

也駸然成章馬之文也又陽極則反純極而駸生焉故言

馬之色馬之駸也

按雙湖胡氏曰駸為天而黃四時故純陽而健為馬在春為良在夏為老秋為

瘠冬為駸取象無時不包不可與諸卦同蓋馬善行行而不已則老老則瘠瘠則毛衰而駸矣

又曰震于馬也為善鳴為馬足為作足為的顙蓋震為雷

物莫鳴于雷又震為氣之始亨上虛下實氣從口揚故為

善鳴陽在下故為馬足為作足又馬足足散白也陽之色

作足足起騰也陽之捷皆言下畫之陽也陰在上故為的

顙的白也顙上也又顙有旋毛中虛如射者之的言上畫

之虛也又曰坎于馬也為美脊為亟心為下首為薄蹄坎

陽居中故為外体之中則美脊內藏之中則心亟急也前
畫柔故馬首下而不昂後畫柔故馬蹄薄而不厚

造化權輿曰馬軋象故蹄圓牛坤象故蹄圻

博物志云馬食穀足重不能行鴈食粟足重不能飛

馬○爾雅曰後右足白驥左白馬易震為馬足蓋取其躁
也馬政論曰後足偏白者凶若馬之類是也

駱○爾雅曰白馬黑鬣曰駱廣雅曰白馬朱鬣今呼黃馬
尾鬣一道通黑如界者為駱俗云駱馬善耐勞苦詩曰
嘽駱馬言其勞也

白顙○埤雅云白顙即爾雅所謂的顙今之戴星馬是也

詩曰有車鄰鄰有馬白顛即的盧也乘之妨主馬之貴者
的吻○馬政論曰顛有白毛謂之的盧準上有旋毛及白
毛者謂之的吻乘之皆凶

鐵○說文云馬深黑色曰驪赤黑色曰鐵陸氏曰取其馬
色如鐵亦取其堅壯故曰鐵詩曰駟鐵孔卓六轡在手蓋
馬類不一驛馬則喜前驚馬則喜後故驚馬以鞭為王驛
馬以轡為主鐵性如悍今六轡在手則無事于轡矣

駮○說文云白腹曰駮駮淺赤也一染謂之駮再染謂之
緹三染謂之纁然則駮赤馬白腹者也詩云駮駮彭彭是
黃○埤雅曰黃驛曰黃馬之上色詩曰有驪有黃列子曰

牝而黃牡而驪

駟○埤雅云馬青驪曰駟今之鐵驄也詩曰駟彼乘駟
駟○爾雅云黃白雜毛曰駟陰白雜毛曰駟駟今之桃花
馬駟今之泥驄馬也詩曰我馬維駟我馬維駟我馬維駟
我馬維駟可以見駟不如駟駟不如駟卒言駟者明馬維
彌芳所以御之滋善

馵○馵即烏驄也其色驪白或云蒼白雜毛曰馵出埤

駟○駟亦馵類取鵠之色或曰蒼黑雜毛曰駟出埤

駟○毛詩傳云青黑曰駟陸氏曰駟蒼艾色一曰馬青驪
文如博棋也詩曰駟駟是中駟駟是駟蓋駟駟中馬駟驪

上駟也

駮○說文云駮白白駮徐鉉曰其色象駮故曰駮

騄○陸氏曰馬之善者騄牡騄牡爾雅云騄牡騄牡以罕稱也凡馬七尺以上為騄詩曰騄牡三千騄田馬也

駮○爾雅云馬八尺以上為駮絕有力可從戎事

飛羗○芸心識餘云飛羗者神馬之名日行三萬里禹踏水勤勞救民之害此馬應德而至

乘黃○萬花谷云乘黃古之神馬有五內角龍翼馬身日行萬里一名飛黃山海經曰西海外白民國有乘黃身被髮狀如狐汲冢周書云白民國乘黃乘黃者似騄特有两

角淮南子曰飛黃神馬也天下有道飛黃伏皂註云如狐
背有角乘之壽三千歲

驊馬○蟬史云驊海馬也一作駮馬似馬一角或云十尾
一角一統志曰海中出獸如馬名駮馬身皆馬形而尾獨
類牛山海經云驊馬牛尾白身一角其音如虎生于水中
馬銜○海賦圖云馬銜其狀馬首一角而龍形荊州記云
襄水中獸如馬甲如鯪鯉好在磧上自曝騰頭似虎掌爪
馬銜之類

騄駼○爾雅云騄駼枝蹄𦍋善陞𦍋註云騄駼似馬而牛
蹄𦍋山形似𦍋上大下小言騄駼蹄如𦍋而健上山

駮蹄○爾雅云駮蹄𦍋善陞駮註云秦時有駮蹄苑蓋亦
駮駮之屬蹄如𦍋而健上駮山也

駮𦍋○山海經云扭陽山獸如馬白首虎文赤尾其音如
謠名曰鹿蜀寢其皮宜子孫唐韻曰鹿蜀野馬也

駮𦍋○說文云駮𦍋野馬也出北海形似鹿蜀

旄馬○南海外有旄馬如馬而足有四節垂毛出山海經

駮○爾雅曰駮如馬一角不角者駮註云九真郡得一獸

大如馬一角角如鹿茸即駮也

臄踈○帶山有獸如馬首有角可以錯刀名臄踈出山海經

驛○歸山有獸如鹿特膝而四角馬尾有距名曰驛出山海經

駉驢○蟬史云蛩蛩駉驢二首也前足高而後足低不能食草有獸名蛩前足低而後足高能食而不能走得甘草必遺蛩蛩駉驢有警則蛩蛩駉驢負履而走相須以為生也

蛩蛩似馬驢也

駒駼○山海經云北海內有獸如馬青色名駒駼

駼駼○鄒陽傳云駼駼駿馬也七日而超其母

騶衷○應劭曰騶衷駿馬也赤喙黑身日行一萬五千里

瑞應圖曰騰黃騶衷皆神馬也王者與服有度則出

驕驕○左傳云唐成公有兩驕驕楚子欲之不與楚子常曰成公而唐之臣竊馬以獻成公得歸蓋驕驕良馬也

八駿○拾遺記云周穆王得八駿之馬一口絕足二曰翻羽行越飛禽三曰奔宵夜行萬里四曰影逐逐日而行五曰踰輝光色炳耀六曰超光一形十影七曰騰霧垂雲而超八曰挾翼身有肉翅穆天子傳曰八駿赤驥黃驪白羲蹄輪山子渠黃驊騮騄駼日馳三萬里

九逸○西京雜記云漢文帝有良馬九疋一曰浮雲二曰赤電三曰絕群四曰逸驃五曰紫燕六曰騄駼七曰龍子八曰絳駒九曰絕塵謂之九逸

六駿○一統志云西安府昭陵石刻六駿一曰青驊二曰什代赤三曰特勤驃四曰颯露紫五曰拳毛騶六曰白蹄

鳥唐太宗所乘者像各有贊

十驥○回鶻傳云東首利幹國產良馬日馳數百里唐太宗取其異者名曰十驥曰騰霜駒曰皎雪駒曰凝露曰縣光曰決波瑜曰飛霞驃曰發電赤曰流金馭曰翔麟紫曰奔紅赤

七馬○秦始皇有七馬曰追風曰白兔曰躡景曰追電曰飛翮曰銅雀曰晨鳧

五體○酉陽雜俎云馬有五體曰輪鼠曰外鳧曰烏頭曰龍翅曰虎口

織離○六帖曰飛黃織離龍媒騷裏駿馬也騷胎歟

騷胎馬也

烏騅○漢書云項羽有馬名烏騅兵敗歌曰時不利兮騅不逝騅兮騅兮奈若何

六閑○唐書云武后置馬坊伏內六閑一曰飛龍二曰祥麟三曰鳳苑四曰鷄鶩五曰吉良六曰出群

二龍○元世祖時于真國獻馬曰二龍一曰鳳頭一曰花滿川

果下馬○一統志云藏國出果下馬高三尺乘之可以果樹下行筆廣出果下馬果馬不踰三尺駿者有兩脊骨是雙脊馬健而能行

的盧○蜀志云劉備得馬名的盧乘過襄城墮檀溪中而出赤菟○漢末呂布以誅卓功封溫侯御良馬曰赤菟

驚帆○陳思王馬

豹月鳥○張飛馬

赭白○晉慕容廆馬

獅子花○郭子儀馬

獅子驄○朝野僉載云大宛國有千里馬其駿曳地名獅

子驄 玉花驄○唐太宗馬又有拳花毛驄

忽雷駮○秦封寶馬 如意駒○唐德宗馬

照夜白○唐明皇馬善舞其曲曰傾盃樂每樂作則奮首

鼓尾縱橫應節後為祿山所斃

九花虬○伽藍記云唐代宗有馬名九花虬高九尺毛拳

如鱗身披九花名曰九花虬

望靈騅○唐德宗幸梁御馬號望雲騅飼以一品料

黃駒○契丹與劉昊以黃駒馬周世宗號以自在將軍

玉逍遙○宋仁宗馬名玉逍遙行步有尺度疾徐皆中節

碧雲霞○宋莊憲太后賜荆王以備三閤為御馬第一

駿○說文云駿馬赤鬣鯨身目若黃金古皇之乘

獻通考云李廣利斬大宛王首取汗血馬來血汗後前肩

膊出作西極天馬之歌晉載記云大宛有千里駒皆汗血

朱鬣鳳翥麟身史元鼎四年馬生渥洼水中上作天馬之歌

騾

說文云驢父馬母生者謂之騾馬父驢母生者謂之騾母

陽雜俎曰騾不滋乳格物論曰驢父馬母曰騾馬父驢

母曰駝駝燁史云騾不生育性剛善走視馬則小視騾則大北方人多取以駕車力耐遠行而不困又一種驢父牛母生者名曰駝

驢

爾雅翼云驢似馬耳長其龐褐低小不甚駿異故稱蹇馬性能旋磨及馱負率似牛五更初而鳴其聲醜格物論云驢子名驢又名驢說文云驢似馬而小長耳善行玉堂閑話云凡驢馬上旬所生者隨母行常在母前中旬生者並母而行下旬生者隨後而行

索駝

蟬史云橐駝一名駱駝說文云駝負荷也能負橐橐故曰
橐駝背有兩峯如鞍名曰駝峯駝足三節長頸色蒼褐負
物千斤屈足受之載未盡量終不起臥腹不帖地屈足漏
明者名明駝日行千里能知泉脉所在以足踣地掘之得
泉埤雅云駝大如牛長頸高脚紫色垂耳脊上有一封
者二封者能負千斤知泉脉所在天將風引頸而鳴其糞
烟直上如狼烟也義訓云牛之聲曰牟駝之聲曰圓酉陽
雜俎曰駝亦齒今其毛褥溫厚煖于狐貉遇夏常退毛至
盡乃能辟熱故古冬取皮于狐類而裘夏取毛於駝類而
褐成也山海經云陽光之山多駝善行沙中日行三百里

負千斤木蘭篇云明駝千里脚言駝臥腹不帖地屈足漏
明則行千里漢書曰大月氏出一封橐駝註云脊上有一
封封高也若封土然與戎志曰西南夷國出石橐駝腹下
出水飲之令人身白孔帖曰南蠻寶利佛逝有橐駝豹文
而犀角且耒且耕名曰牛駝豹郁離子曰知風莫過于老
駝識路莫逾于老馬

象

卑雅云象南越大獸長鼻牙望前如後三年一孔行孕肉
兼斗牛命在其鼻食物皆以鼻取之服馴巨象以小斧刃
斷之其金瘡見星月即合之象之其土必豐又曰象性久

識能浮水出沒體具十二肖肉唯鼻是其本肉膽不附肝
隨月轉在諸肉假如正月建寅膽在虎肉建卯膽在兔肉
鼻端有小爪可拾針其牙生必因雷聲象出交趾土人置
石室惟通一路先置芻豢于中馭一馴雌象入焉布甘蔗
于道野象來食之則縱馴雌象誘入石室隨以石室其門
象飢人緣石室飼象少馴則騎而制之牧者謂象奴
酉陽雜俎云象性久識見其子皮必泣一枚重千斤又云
象妬惡犬聲象耳後有穴薄如鼓皮一刺而斃又云象孕
五歲始生膽隨四時在四足春前在夏前右秋後左冬後
右如龜無定體也虞衡志曰象出交趾山谷惟雄者有兩

長牙象頭不可俯頸不可回口隱于頤去地尚遠運動以
鼻為用一軀之力皆在鼻將行先以鼻拄地乃移其足知
其足力劣于鼻也鼻端甚深可以開闔取物中有小肉夾
雖芥子亦可食每以鼻取食以鼻汲水足無指而有爪甲
五稜足如柱其身形如大栗登高山峻坂涉深水形擁腫
而甚捷博物志云南海四象各有雌雄其一雌死百有餘
日其雄泥土著身獨不飲酒食肉人間之輒流涕若有哀
狀南越志云象牙有長一丈餘者脫其牙則深藏之象奴
乃削木以代之不令其見也象牙有縱橫文理自脫者名
血牙為上如死而剔出者名死牙文理雖有而無光潤之

色矣雲南記云荊蠻山中多野象然楚粵之象皆青惟天竺佛林大食諸國乃多白象

狐

說文云狐妖獸也鬼所乘之白虎通曰狐有三德其色中和小前大後死則丘首禮檀弓云狐死正丘首不忘本也陶隱居曰江東無狐皆出北方形似狸而黃善為魅本草云狐形如黃狗鼻尖尾大蟬史云狐身小尾大其形如蓬是以渡水濡尾也玄中記云狐五十歲能變化百歲為美女為神巫為丈夫與女子交接能知千里外事即與天通是為天狐或曰千歲之狐為淫婦百歲之狐為美女抱朴

子曰狐壽八百歲三百歲變為人名山記云古有淫婦名
紫紫化為狐酉陽雜俎云野狐名紫夜擎尾出火戴髑髏
拜北斗不墜變為人矣

埤雅云狐性好疑獼性好睡皆藏獸也又云狐有媚珠又
曰狐禮北斗而靈善變化其為物妖淦故詩以刺惡所謂
雄狐綏綏是也易云小狐汔濟濡其尾小者才不足也狐
者志不果也又云狗性獨狐性孤羊性群鹿性麗說文云
鹿之性見食急則必旅行類從云燕識氏不舍泥狐潛上
伏不越度阡陌又云狐狼知虛實虎豹識衝破
汲冢周書云不令支亥模註云不令支皆東北夷模曰狐

玄模蓋黑狐也又曰青丘狐九尾註云青丘海東地名山海經云青丘之狐九尾白虎通曰德至鳥獸則九尾狐見顏師古曰狐白裘謂狐腋下之皮其毛純白集以為裘輕柔難得故貴也

鰐𪊑○鳧麗山獸狀如狐而九首九尾虎爪名曰鰐𪊑朱孺○耿山獸如狐而魚鬣名曰朱孺見則國有大恐獒○如逢山獸如狐有翼音如雁名曰獒見則大旱猓○猓獸似狐有翼又曰似豹一角五尾山海經出

狸一作猓

爾雅曰狸子隸郭氏曰今或呼𪊑狸羅氏曰𪊑口銳而尾

大狸口方而身文黃黑彬彬蓋次于豹爾雅云狸狐獬狌
醜其足播其跡夙埤雅云四者其性一而狸又伏獸好擬
度故其跡皆夙而不速也狸一名伏獸說文云伏獸似羆
徐鉉曰狸善藏伏也方言曰羆狸別名也陳楚江淮間謂之羆
北燕朝鮮間謂之羆閩西謂之狸

埤雅曰狸豸在里者里人所居也論衡曰小盜狸步鼠竊
狸之伺物卑身而伏以候教者似羆而小文彩班然異于
羆貉故法言曰辨人狸別其文萃也性善擬度鄭氏曰狸
善搏者也行則止而擬度焉詩曰取彼狐狸為公子裘言
狐善疑狸善擬不可以有為也樂記曰狸善搏行則擬度

其發必獲故候取象焉

蟬史云狸似猫而大晝伏夜出金眼長尾黑質白章尾紋九節名九節狸性狡而捷俗呼野猫好捕鼠及人家鷄鴨之屬其玉面狸飛狸鼯狸皆其類也

鼯狸○鼯狸似鼠而大說文云鼯兔頭鹿身即鼯狸也

風狸○格物論云一種狸似兔而短多栖息高木候風吹而過他木謂之風狸酉陽雜俎云南中有風狸如粗眉長好羞見人輒低頭

牛尾狸○廣雅曰一種面白而尾似牛者名牛尾狸又名玉面狸專食百果

香狸○酉陽雜俎曰香狸取其水道漣囊以酒澆乾之其
氣如真麝蟬史云香狸一名香貓一名靈貓一名蛤狸臍
香如麝自為牝牡俗呼野猫麝異物志云靈狸一體自為
陰陽

貉

蟬史云貉一作貉似狐篲尾俗呼貉狗爾雅云貉子羆註
云其雌者名羆今江東呼貉為狹狹字說云貉似狐狐善
疑貉善眠狼善顧貉善走貉管窟與獾皆為曲穴以避雨
暘亦以防患淮南子曰貉知為垣貉貉為曲穴虎豹有茂
草野彘有先背陰以防雨亦以蔽日此鳥獸之所以為知也

埤雅云獬豸同穴而異處獬豸之出穴以貉為導山海經云
滌澤出玄紉墨客揮毫云貉行數步輒睡擊竹警之乃起
復行復睡考工記曰貉踰汶而死註云貉似狐汶水在魯
地貉過此水則死陸氏曰此言邦城殊氣各有所宜南方
異物志云傳言貉不渡汶鸛鵒不踰濟狐不渡江而南橘
不渡江而北區宇之內咫尺不同而況今之華夷限以江
海魁詭侏傒可勝言哉

獬

爾雅云獬子獬子獬又曰狸狐獬獬醜其足播其跡夙
言惜掌蹠夙指所處也俗傳獬與貉同穴而居郭註云獬

一名獠本草云獠似犬而矮尖喙黑足褐色與貉相類但足少別耳江東名曰獠豚又曰獠豚極肥也今吳下呼為獠黃又云豸黃又名豸豚又一種獸亦名獠似豕角在鼻上堪作弓

麇○唐韻云麇似貉八目

獬○山海經云翼望山有獸如狸五尾名曰獬其音奔衆聲可以療疾說文云即貉類也

梁渠○山海經云磨石山獸狀如狸白首虎爪名梁渠見則國有兵

牛

說文云牛大牲也牛象角頭三封尾之形孔子曰牛羊之
字以形舉也埤雅云牛土畜也馬火畜也土緩而和火健
而燥故易乾為馬坤為牛詩曰言斯其耳濕濕言潤澤
也蓋牛之為物病則耳燥安則濕潤故古之視牛者以耳
又曰牛能却虎埤雅云牛之相壁堂欲濶膺廷欲廣豪筋
欲就雋骨欲垂棟頭欲高排肋欲密尾不用至地頭不用
多肉角欲得細身欲得圓眼欲得大口方易飼鼻廣易牽
倚欲如絲馬行欲如羊形欲如卷懸蹄欲如八字亂睫好
觸龍頸突目好跳垂拳角冷有病毛少骨多有力岐胡有壽
相牛經云牛岐胡壽岐下分為三去角近行駛眼欲得大眼

中有白脉貫瞳子景快頭骨長且大腴壁堂欲得濶倚欲
得如糾馬膺廷欲得廣前天關欲得成背接雋骨欲得垂
脊中決蘭株欲得大概豐岳欲得大膝材捶頭欲得高百
體欲得繁垂星欲得有努肉膝上巴肉力柱欲得大而
成當車懸蹄欲得如八字陰虹屬頭陰知者有雙筋陽塩
欲得廣體陽鹽者犬尾常有似鳴者有黃也洞胡無壽珠淵
無壽族毛池有亂毛妨主凶上池角身欲得促形欲得
如卷大腴踈肋難飴龍頭突目好跳豪筋欲得成就橫筋後
也毛欲得短密若長踈不耐寒氣尾不用至地尾毛少骨
多角有力膝上肉欲得堅角欲得細鼻如鏡則難牽口方

易飼聚府方易飼又曰牛有二種黃牛水牛也水牛大而
踈毛角橫善鬪好沉水中故曰水牛異物志云水牛一名
周回青毛大腹銳頭長尾草木子曰牛雖有耳而聽以鼻
龜雖有鼻而息以耳又曰凡物食草者多力而愚食肉者
勇敢而悍齧吞者八竅而郊生咀嚼者九竅而胎生無角
者膏而先萌角者脂而先後

蟬史云按說文云牛赤色曰特又曰牝黃曰牝白曰牝又
曰牝黑曰犂又曰犂黃白色曰牝黃牛黑脣曰犂黃牛虎
文曰犂白脊牛曰將又曰犂純色牛曰犂雜色牛曰犂黑
眼曰牝牝牛曰犂牝牛曰犂又曰犂又曰犂又曰犂又曰

犒水牛曰犒牛子曰犢牛二歲曰犢三歲曰犢四歲曰犢
六歲曰犢無子曰犢無角曰犢頭短曰犢牛蹄曰犢牛頭
曰犢牛行曰犢牛鳴曰犢有力曰犢牛驚走曰犢牛觸曰
犢坪雅又曰按禮內則祭天地之牛角繭栗又禮云牛曰
一元大武六牲之號管子云凡聽官如牛鳴窳中牛含宮
聲故柳子以為黃鍾在頭也蓋牛之鳴曰犢駝之鳴曰圓
周官曰牛夜鳴則瘠許赫重曰廂久屋朽木牛夜鳴則瘠
臭如朽木也牛陰物也故蹄圻馬陽物也故蹄圓陽病則
陰勝故馬疾則臥陰病則陽勝故牛病則立馬陽物也起
先前足臥先後足牛陰物也起先後足臥先前足

爾雅云牛曰飴食之已久羊曰馐麋曰齧類上皆鳥曰嘯

也寓鼠曰嘯類聚貯食處也寓謂狻牛角一俯一仰觔皆

勁翳黑肩牦黑脊牝黑耳犂黑腹牧黑脚捲體長梯

酉陽雜俎云牛常有聲有黃也角冷有病旋毛在珠淵無

壽睫亂觸人街烏角偏妨主溺射前良牛也疎肋雞養三

歲二齒四歲四齒五歲六齒六歲以後每一年接脊骨一

節本草云牛有黃者皮毛光潤眼如血色時復鳴吼又好

照水人以盆水承之伺其吐出乃喝迫即墮落黃如鷄子

大重疊可坼揭輕虛而氣香者佳此其最勝者若殺死在

角中得者名角黃心中得者名心黃肝膽中得者名肝黃

事文類聚卷之五

周禮云牛宜稌註云牛土畜稌土穀故牛宜稌也周禮牛人掌養國之公牛以待國之政令凡祭祀共其享牛求牛以授職人而芻之凡賓客之事共其牢禮積膳之牛饗賓射共其膳羞之牛軍事共其牝牛喪事共其奠牛凡會同軍旅行役共其兵車之牛

周禮考工記云弓人為弓角也者以為疾也膠也者以為和也凡相角秋綱者厚春綱者薄穉牛之角直而澤老牛之角紆而昔疾疾險中瘠牛之角無澤角長二尺有五寸三色不失理謂之牛戴牛凡相膠欲朱色而昔昔也者深瑕而澤紆而搏麋鹿膠青白馬膠赤白牛膠火赤鼠膠黑

魚膠解犀膠黃易曰羣用黃牛之革蓋牛革最堅也

風俗通曰吳牛見月而喘言使之苦于日是以見月而喘也蓋傷禽驚于虛弦疲牛望月而喘物之惶怯見似而驚也食療云牛者稼穡之資不可屠殺玄中記云千歲之樹化為青羊萬歲樹精化為青牛淮南子曰齊威公見甯戚方飯牛叩角而歌知其賢也乃用為相酉陽雜俎云甯公所飯牛陰虹屬頸陰虹雙筋自尾屬頸也

犀

爾雅云兕似牛一角犀似牛三角郭註云一在頂上一在額上一在鼻上嶺表錄異云一在額上為兕犀一在鼻上

為胡帽犀牯犀亦有二角皆為毛犀今人多傳一角之說
此數角俱有粟文以文之粗細為貴賤說文云犀微外獸
也形如水牛猪頭三蹄一孔三毛行江海水開

埤雅云犀性絕躁似豕有燒處必有之蓋犀角能解燒毒
也形似水牛大腹卑脚脚有三蹄黑色一孔三毛三角一
在頂上一在鼻上一在額上鼻上者食角也小而不橢好
食棘亦有一角者前足直常依木而立木仆則不能起故
土人多植木木爛犀倒殺之異物志云犀體兼五種肉犀
舌有棘常食草木並刺交州記云犀有二角鼻上角長額
上角短或曰三角共水犀也二角者山犀也異物志云海

水中水犀樂聞絲竹彼人勦樂牛則出來以此採之
埤雅又曰犀之最貴者有通天花犀蓋犀惡影常飲濁水
重霧厚露之夜不濡其裡白星微瑞俗云犀望星而入角
即此也可以破水駭鷄以其有光故鷄見影而驚其以角
理浚有正揀倒揀正揀者角腰以上通倒揀者角腰以下
通或曰尖花小而根花大謂之倒揀有腰鼓犀者中斷而
不通其類極多足為奇異故波斯國呼象牙為白暗犀角
為黑暗言難識別也又曰犀亦自愛其角墮角即自埋之
人輒以木角易之又曰其角在頂者謂之頂犀在鼻者謂
之鼻犀犀角之文或如栴栴或如狗鼻者上黔犀無紋螺

犀紋旋特犀文細牯犀文大而勻酉陽雜俎云犀之通天者必惡影常飲濁水當其渴時人趣不復移足

圖經云通天花犀其文理具百物之形犀角最大者曰墮羅犀一角有重七八斤者是牯犀額角其花多作撒荳斑色深者堪帶勝班散而色淺者但可作器皿耳本草云通天犀胎時見天上物命過並形于角故曰通天犀抱朴子曰赤理如縋自本徹末故曰通天又曰通天犀角有白縷如絲直至角端此至神驗置屋中則鳥鳥不敢集屋上置米中鷄鵲駭呼不敢食刺為魚銜入水則水開三尺

冠宗奭曰鹿取茸犀取尖其精銳之氣盡在是矣續夷堅

志云凡犀角遇山川日月草木鳥獸隨寓成形月與魚等皆是常有唯宋韓魏公犀帶中央一片乃鹿啣花孝宗犀角一片乃是南極老人星像

兕

山海經云禱過山多兕狀如野牛青色一角長三尺餘背似馬鞍善觸重千斤其皮堅厚可以制鎧兕一作衆

埤雅曰兕善抵觸故先王之制此以為酒戒詩曰兕觥其觶旨酒思柔者此也兕觥罰爵也以兕角為之蓋酒陽物也而善發人之剛其過則在抵觸故制以為酒戒也又曰兕有水兕有山兕猶犀有二種也考工記云函人為甲犀

合也二

謂之曰旄

封土然抵觸百獸故金吾伏剌懼牛于槊首郭璞云獬豸

牛領有肉堆舊云封牛領上肉爆朕起高二尺許狀如橐駝肉鞍一邊健行者日三百里

犍牛○蟬史云俗稱犍牛即夔殊不知夔似牛一足犍似牛四足夔無角而犍牛有角也按說文曰夔即魑也又云犍貪獸也夔乃水獸犍牛山獸也犍作犍一名摩牛一名犍牛山海經云岷山多犍牛郭註云即犍牛也其子曰犍恩平郡譜云準牛謂之回沙牛謂之磨磨即摩也犍牛○一統志云甘肅出犍牛力能載重野牛也

準牛○蟬史云沈牛一名潛牛形角似水牛廣東志云潛牛生肇慶江中形似魚能上岸與牛閉角軟還入水角堅

復出

糖牛○一統志云廣西桂平有糖牛與蛇同穴牛嗜鹽里人以皮裹手塗鹽入穴探取之角如玉可為器

犛牛○蟬史云犛牛一作犛一名諸犛舊傳似豹一目山海經云單張山獸如豹而尾長至首牛鼻直目名曰諸犛善叱行則含其尾居則蟠之

犛牛○蟬史云犛牛庠小今之犛牛也一名果下牛如果下馬然出廣西高涼郡

犛牛○蟬史云犛牛野牛之一也汲冢周書云數楚每牛註云每牛牛之小者也周成王時數楚之人獻此牛犛作

茲白牛○汲冢周書云大夏茲白牛註云茲白牛野獸也
形白似牛又駁亦名茲白

懷牛○唐韻註云懷牛似牛四角人面

懷音
准

犛牛○說文云犛牛似牛三足

犛牛○蟬史云犛牛一作蜚牛山海經云犛牛似牛白首
一目蛇尾行水則竭行草則枯見則有兵役

窮奇○萬花谷云窮奇似牛而犬聲食禽獸逢忠信之人
則嚙而食之逢奸邪之人則捕禽獸以餉之文選註云窮
奇狀似牛而毛如蝟其音如嗥狗食人之獸也

犀渠○一統志云河南嵩縣有磴山陽多玉陰多菟有獸

如牛蒼身音如嬰兒食人名曰犀渠

夔○說文云夔即魑也如龍一足有角手人面之形孟康云夔如龍有角人面赤舌山海經云夔狀如牛蒼身無角一足出入則有風雨其音如雷黃帝以其皮冒鼓復以其骨擊之聲聞五百里莊子曰山有罔象丘有羣山有夔野有坊皇澤有委蛇國語曰木石之怪夔魑魍或云山鬼曰夔罔象○國語云水之怪龍罔象韋昭曰罔象能食人

狇○山海經云狇似牛白首四角

委蛇○莊子云桓公問委蛇之狀皇子告敖曰委蛇其狀大如殼長如轅紫衣而朱冠聞雷車之聲聞則捧其首

而立見之者霸

山獮○神異經云西方有獸如人長尺餘袒身捕蝦蟹以
食名曰山獮國語註作獮亥云山獮雜俎云山獮一名山
蕭一名山獮永嘉郡記作山魃一名山駱一名蛟一名蜃
一名濯肉一名熱肉一名暉一名飛龍如鳩青色巢大如
五斗器飾以土堊赤白相見狀若射侯犯者能役虎害人
燒人廬舍

天吳○山海經云潮陽之谷神為天吳是為水伯虎身人
面八首八足八翼青黃色

飛遽○張揖曰飛遽天上神獸也鹿頭而龍身

兔

爾雅曰兔子嬖俗呼曰嬖其跡迹絕有力欣說文曰兔子名曰嬖其狡者名曰嬖其大者名曰兔詩趨々嬖兔

蟬史云兔似羊而小長耳短足大者不過二斤毛褐色一名明視礼云祀祭宗廟之禮兔曰明視典畧曰兔者明月之精視月而孕故楚詞曰顧兔在腹言顧兔在月之腹而天下之兔望焉於是感氣兔一名扑握張衡云月者陰宗之精積而成獸象兔兔陰之類其數偶

羅氏曰兔視月而有子其目尤瞭一說兔自雌雄不專視月王充論衡云兔舐雄尾而孕及其生子從口吐出性狡

善走穴常三竅酉陽雜俎曰兔吐子鵲吐維埤雅云兔

口有缺吐而生子故謂之吐兔兔者吐也按今山中人未

子况鵲與鵲古稱胎生而今皆卵抱則知民成式陸佃之說未可盡信也

埤雅曰咀嚼者九竅而胎生獨兔雌雄八竅故陶氏書云

兔舐雄毫而孕五月而吐子然里俗又謂願兔而感氣故

卜秋月之明暗以知兔之多寡也今孔雀亦合而古人謂

孔雀聞雷而孕然兔雖舐毫其感孕以月理然也月缺

也故其口缺一曰兔目不瞬視雄毫而孕又曰兔營窟必

背丘相通所謂狡兔三穴崔豹古今註云兔口有缺尻有

九孔內則曰兔去尻狐去首天玄註簿云孕環之兔懷子

左腋毛有文彩間色至百五十年當轉環于腦能隱形人不能見矣又兔性跳擲故其迹迄今兔將伏輒跳擲振跡人反以此得之

爾雅云鳥之所乳謂之巢雞雉之所乳謂之窠兔之所息謂之窟鹿之所息謂之場

白居易曰足之健者雞距毛之勁者兔毫毫堪製筆

養生雜纂云兔肉妊婦食之主子缺唇又謂兔產後口中出故忌之食兔缺唇猶食龜而促之義也寇氏曰兔毛白金得金之氣也抱朴子曰兔壽千歲五百歲毛色變白又曰山中夕日稱犬人者兔也六典曰赤兔上瑞白兔中瑞

括地圖曰天池山獸如兔鼠首以其背飛名曰飛兔即鼯
鼠也草木子曰蜀郡無兔鵲江南無狼馬朱提以南無鳩
鵲青箱記云古稱麋無膽兔無脾按字說未與白為麋鹿
見麋而或以此知其無

膽脾屬土土主信故詩以兔受
刺植公之失信以此知其無脾

歷

附登
駭

爾雅云東方有比目魚焉不比不行其名謂之鰈南方有
比翼鳥焉不比不飛其名謂之鷦西方有比肩獸焉與邛
邛距虛比為邛邛距虛齧甘草若有難邛邛距虛負而走
其名曰歷北方有比肩民焉迭食而迭望中有枳首蛇焉
此四方中國之異氣也孔叢子曰北方有獸名曰歷愛蚤

蛭駘驢食得甘草必齧以遺蛭蛭巨虛見人將來必負蛭而走蛭非愛蛭虛也為其假足也二獸亦非心愛蛭也為其得甘草而遺之也

埤雅曰蛭鼠前而兔後趨則顛走則顛契丹北境有跳兔前足纔寸許後足凡一尺行則用後足跳一躍數尺止則蹶然仆地即蛭也本草會編云蛭蛭青獸狀如馬駘驢似騾而小然則負蛭者或蛭蛭或巨虛二物不相須也汲冢周書云獨鹿叩叩距虛善走也獨鹿西夷也又曰狐竹距虛狐竹北狄也

蟬史集卷之五終

蟬史集卷之六

稿李穆希文纂

毛虫類

犬

說文云孔子曰視犬三字如画狗也又曰狗叩也叩气吠

以守禽走臭而犬能知之故臭從犬以臭知臭故又自

爾雅云犬生三獫二師一獫未成毫狗狗子未生長喙獫

短喙獨獫詩曰載獫狁絕有力狔龍狗也詩曰無使

說文云犬生一子曰獫又曰獫生三子曰獫又曰獫多毛

犬曰獾又曰獾狂犬曰獾短喙曰獾短脰曰獾狷健曰獾
長喙曰獾黃犬黑頭曰狂黃犬曰獾犬怒曰獾而犬相爭
曰獾犬聞聲曰獾又曰狼相得而聞曰獨犬聲曰猥犬吠
曰嗥又曰狺犬走曰狺犬從籬中暴出曰狺竇中犬聲曰
狺取獸曰獾犬不可附曰獾犬驚曰狺犬壯曰獾犬食曰
狺小犬曰獾

埤雅曰長喙善獵短喙善吠以守莊子曰狗不以善吠為
良蓋長喙為上短喙次之狗善猜警非禮相陵則警吠詩
曰無感我悅兮無使龍也吠所以惡無禮也說文云犬狗
之有懸蹄者也義訓云犬之良者韓有盧宋有鵠一作狺

盧黑色鵲黑白色淮南子曰若鵲之駁風土記云犬有青
鵲白雀之名駿狗有白望青曹之名廣韻曰殷虞魯獒楚
獒宋狔韓盧皆良尚書云西旅獻獒犬孔安國曰犬高四
尺曰獒汲冢周書云凶奴狻犬狡犬巨身四尺

周官犬人掌犬牲凡祭祀共犬牲用牴物伏瘞亦如之凡
幾珥沈辜用騶可也凡相犬牽犬者屬焉掌其政治犬金
畜也故屬秋官周官六畜馬牛羊豕雞犬也又曰犬赤腹
而躁臊又曰犬宜梁註云犬金畜梁土穀此以土生金為
宜也傳曰犬有三種一曰田犬二曰吠犬三曰食
張南軒云易稱艮為狗蓋艮止也狗則止于人而能止人

也吳氏曰外剛能止物而中內柔媚者狗也故艮為狗陸佃曰狗善警吠止禦又其性前趨故艮為狗艮陽在上故也萬花谷云春秋考語七九六十三陽氣通故斗運狗三月而生宋均註云狗斗精之所生也

豺

埤雅云豺胡犬也似狐而小黑喙善守其字从干釋言曰干杆也取杆守也周官七射豺侯豺胡犬也其守在夷以能勝四夷之守為善亦其伏節死制而聽命于主士之事也故射豺侯蟬史云豺豺即豺也與霸下屬屬等九獸皆龍也豺豺平生好訟今獄門上所刻如獅子頭者是或云

扞獸能扞守故獄用之

狝○山海經云狝似犬尾白喙赤出則天下有大兵

贊○爾雅云贊有力郭氏曰出西海大秦國有養之者似
狗多力獷惡山海經云贊獸犬形多力出西海之濱

狴○山海經云狴拘山獸狀如犬六尺尾長丈餘名自呼
取其皮以禦瘴厲

天犬○山海經云天門山赤犬曰天犬現則有兵乃天狗
星光飛流注而生行如風聲如雷光如電

天狗○山海經云陰山獸如狸白首名曰天狗食蛇其音
如猫佩之可禦凶

天馬○山海經云馬成山獸如白犬黑頭有肉翅見人則
飛名曰天馬

山獬○山海經云獄法山獸如犬人面善擲見人則笑名
曰山獬行疾如風見即犬風

貊澤○酉陽雜俎云貊澤犬如犬其膏宣利以手盛及銅
鐵瓦器中貯之悉透以骨盛則不漏

蠅○酉陽雜俎云蠅似黃狗糞有常處若行遠不及其家
則以草塞其尻

毘邪○瑣州毘邪山獸如犬里人呼毘邪故名毘邪山出一統志
射干○佛經云射干惡獸似青黃狗食人能緣木

豺

埤雅云豺似狗而長尾白頰高前廣後其色黃季秋取獸
四面陳之以祀其先世謂之豺祭獸故先王候之以田禮
記云豺祭獸然後田獵是也汲冢周書云霜降之日豺乃
祭獸豺不祭獸豺不祭獸爪牙不良

蟬史云豺獨行者名獨豺乘見虎睡則逸而溺之虎不能
起遂噬之俗云豺群噬虎言其健猛且衆可以窺虎也俗
傳豺舌似棘舐舌如鋸骨瘦如豺豺也豺體細瘦故謂
之豺舊說豺獺祭天或以謂自祭其先疑二物祭天而先
亦與焉禮云萬物本乎天本乎祖故曰人而不祭豺獺如

說文云豺狼屬狗聲食獸字說曰豺亦獸也乃能獲獸能
勝其類又知以時祭可謂才矣龍門子曰豺舌雖狹而有
殺虎之能鼠牙雖尖而有害牛之技伍子胥曰豺不為庶
狼不可親

狼

爾雅云狼牡羴牝狼其子微絕有力迅說文云狼似犬銳
頭白頰高前廣後坪雅曰狼大如狗青色蒼白者亦有之
作聲諸竅皆沸豺祭狼卜又善逐獸皆獸之有才智者故
豺从才狼從良也里語曰狼卜食狼將遠逐食必先倒立
以卜所向故今獵師遇狼輒喜蓋狼之所向皆獸之所在

也虎善擬其前狼善顧其後而又其靈智有才故雖跋胡
蹇尾而能不失其猛也古之烽火用狼糞取其烟直而聚
雖風吹不斜故曰狼堠又曰狼烟或云狼駢脅直腸故其
糞之烟直也朱子曰狼善顧疾則不能益其性貪暴爭食
以養口體而常害其身狼起臥遊戲多藉其草而草皆穢
亂故里語曰狼藉又曰狼扈

周人獸人冬獻狼註云狼膏溫故冬獻之抱朴子曰狼壽
八百歲滿三百歲則善變人形草木子云狼尾一孔三毛
狼脰中筋大如鼻郊如織絡小囊虫所作也雜俎云狼筋
如織絡袋子似筋膠所作大小如鴨卵人有犯盜者熏之

當脚彎縮因之獲盜也五行傳曰狼貪暴之獸體白色主
兵之兆也埤雅云老狼項下有袋求食滿腹向前行乃觸
之退後又自踏踐竟其尾進退有患故詩以况跋前疐其
後袋胡也異域傳曰突厥之先被隣國破滅有一兒年十歲
兵別其足棄草澤中牝狼以肉飼之及長與狼合有孕焉
彼聞兒在遣殺之狼逃之高昌國北遂生十男其後各有
一娃阿史那即一也後牙門建狼頭纛示不忘本也又云
單于有二女甚美置高臺上有老狼守臺遂為狼妻產子
後為高車國

狼

神異經云狼似狼無前足附狼而行無狼則不能行也故人進退不逐者曰狼狽失據酉陽雜俎云狼狽是兩物俱前足純短每行常駕兩狼失狼則不能動故世言事乖者稱狼狽

獺

說文云獺如小狗水居食魚鰕屬也作獺一又曰獺獺類也廣雅云獺一名水狗有兩種形大頭如馬身似蝙蝠者名獺獺淮南子曰養池魚者不畜獺獺郭訓云獺似青狐居水中食魚本草會編曰獺四足俱短頭與身尾皆禿毛色若故紫白大者身與尾長三尺餘食魚居水中出水亦不

死亦能休于大木上羅氏曰獺能知水之高下其為穴必預度水所不至鄉人以此為潦水之候率以正月取魚于水傍四面陳列謂之祭魚埤雅云獺西方白虎之屬似狐而小青黑色膚如伏翼水居食魚又曰熊食鹽而死獺食酒而斃

汲冢周書曰雨水之日獺祭魚獺不祭魚國多盜賊記曰獺祭魚然後漁入津梁埤雅云獺自祭其先如驅豺貳云獺一歲二祭豺祭方獺祭負言豺獺之祭皆四面陳之而獺圓布豺方布也彭中洲云月令獺祭魚每祭必七魚列于石島上人醵取之有頃再列如舊

按俗傳獺祭魚將魚羅列于前取黃頰魚一故以爪按其
頭作排如人之有巫祝也故俗呼黃頰魚為魚師祭畢獺
食諸魚而終魚師于水

字說云獺非能豚其類者也然亦知根本反始非無賴者
山海經云登山瀟瀟之水出焉獸名獺其狀如獐其毛如
毳鼠本草云獺皮西戎以飾毳服領袖則汚垢不滌如風
雲翳目即就袖口拭目中即出

蟬史云獺又能捕鳥乘見鳬鷺羣在則仰臥于水離水面
尺許乃吐沫以引之鳥見沫浮羣飛啄之獺乃以四足抱
住如鳥賊之擒魚也獺肝一月一葉十二月十二葉其間
又有退葉

海獺○博物志云海獺海牛海馬等皮在陸地皆候風潮
猶熊毛起陳藏器曰海獺似獺如犬脚下有皮如人胼拇
毛著水不濡海中類陸物者如海牛海馬海驢海獺之類
是也

狢狢○酉陽雜俎云勃楚州楓脂名熏陸香狢狢好嗅之
大者重十斤狀如獺其頭身四支了無毛惟從鼻上竟脊
至尾有青毛廣一寸長三四分獵得者所刺不傷積薪焚
之不死以大杖擊之骨碎乃死

幽類○山海經云古山上無草木有泚水西注于河中有
獸文背善笑見人則佯臥名曰幽類其名自呼

在子○汲冢周書云良夷在子在子獸身人首脂其腹灸之當則鳴曰在子註云良夷樂浪之夷也雜俎云在子紫身人首

脰胸○本草云脰胸一名骨訥獸似狐而大長尾其皮上自有肉黃毛三莖共一穴生四戎或曰脰胸魚類不首兩足其脰紅紫色陳藏器云骨訥獸生突厥國胡人呼為阿慈勃他你其脰似麝香黃赤色臨海志曰脰胸壯若鹿形頭似狗長尾每遇日出則浮在水面藥性論謂之海狗耳蓋子謂之獸然觀其狀非狗非獸亦非魚也前似獸尾似魚其身有短密淡青白毛腹脅下全白

跂踴○山海經曰南海外赤水西流沙東獸一身三首有
角名曰跂踴

玃徐○山海經云余戎山獸如兔鳥喙鵠目蛇尾遇人則
眠名曰玃徐見則螽蝗為害

貓一作貓

埤雅云鼠善害苗而貓能捕鼠去苗之害故字从苗詩云
有貓有虎貓食田鼠虎食田鼠記云迎貓為其食田鼠也
迎虎為其食田豕也舊傳貓旦暮目睛皆圓及午即從歛
如線其鼻端常冷唯夏至一日煖蓋貓陰類也故其應陰
氣如此世云薄荷醉貓死貓引竹物之相感出于自然貓

亦如虎畫地下食今俗謂之卜鼠

蟬史云猫眼隨十二時為大小惟正午時細如一線蓋猫陰類也利于陰故夜有光畫則陽盛不眯眼如合然口中三坎投一季五坎投二季七坎投三季九坎投四季言口內有九坎者能四季投鼠也猫一名烏圖相猫法云耳薄不耐寒瑣碎錄云猫產一子者害主急去之俗云止生一子名曰獨猫鼠聞之速遁猫之上品也二說矛盾如是然產子三四皆雌皆雄者不可畜

相猫法云眼用金光身要短而要虎威聲要喊露爪能翻尾脚長善走家面長鷄種絕尾大懶如蛇

猿一作

埤雅云猿猴屬長臂善嘯其臂通肩刺之可以為笛聲圓
於竹五九四十五為音音主猴故猴五月而生四九三
十六六為律律主鹿故鹿六月而生或云猴性躁急猿性
靜緩說文云猿驚屬或黃或黑春秋繁露云猿似猴而大
黑色前臂長能立善緣論衡曰鹿制于犬猿伏于鼠今人
取鼠繫猿頸猿不敢動相制也荊州記云巴東三峽猿長
鳴至三聲聞者下淚抱朴子曰猿壽五百歲變為獼
貍雅云獼猿善援獼父善頤山海經云常遶山多白獼狀
如獼猴其聲哀

文選註云玄猿者言猿之雄者玄色也素雌者言猿之雌者素色也叢蒙記云獼以猿為婦舊傳猿鳴而獼候之莊子曰猿徧狙以為雌徧獼也

憎王孫文云猿之德靜以恒類仁讓孝慈居則相愛食則相先行有列飲有序不幸乖離則其鳴哀有難則內其柔弱者不踐稼蔬木實未熟相與視之垂既熟嘯呼羣萃然後衍衍焉山之小草木必環而行遂其植性故猿之居山恒鬱然按猿不踐土好上茂木渴則懸崖接臂而飲

猴

呂氏曰狗似獾獾似母猴母猴似人白虎通曰猴候也楚

人謂之沐猴廣雅云猴一名狙一名胡孫一名王孫一名
獼猴或曰老母猴曰獼非也抱朴子曰獼猴壽八百歲變
為猿埤雅曰猿之德靜以緩猴之德躁以囂或曰猿性靜
夜嘯常風月皎然猴性動每所至林木皆振響或曰猴無
脾頷下有袋名猴孫袋食則急速聚于袋中後則緩緩咽
出重嘖爾雅所謂寯鼠曰嚙是也

莊子曰宋有狙公養狙而家匱將限其食曰與若芋朝三
而暮四衆狙怒復曰朝四而暮三衆狙悅憎王孫文云王
孫之德躁以囂勃諍號呶喑喑彊彊雖群不相讓也食相
噬齧行無列與猿相反其行故王孫之居山恒稿然

猱一作猱

釋史云猱一名猱蓋猱狢之屬也輕捷善緣木大小類猿
長尾尾金色俗呼金線猱者是也取其尾為臥褥鞍被坐
毯猱自愛其尾中矢毒即自齧斷其尾惡其為溪患也或
曰猱善睡或曰猱善揉攪善援猿善援猴善候
本草云猱似猴而大毛長黃赤色人取其皮作鞍褥

猱

爾雅云雌仰鼻而長尾雄似猴鼻孔向上尾長數尺末有
岐兩則自懸于樹以尾塞鼻江東人取養之為物捷健
悍雅曰猱似猿青身黑頰有髯髯黑其手亦黑好理髯又

愛其類生相序死相赴殺一可以致百舊云獾皮五色可
為茵毯人以藥矢射之其偶為拔其矢因以自刺與之俱
斃蟬史云獾獾一名狄一作雖一作雅或曰黑獾曰狄
續夷堅志云愛州有獸名獾獾似猴而差大有仁義行則
大者前小者後有為射者中則援死者矢而因以斃獸之
有仁義者異物志云交州有獾獾如猿白質黑文尾長過
其頭鼻孔向天兩則以尾塞其鼻孔毛細而溫本草云獾
獾似猴人面毛如蒼鴨胎邊堪作褥周官裸有虎羴羴
謂畫虎羴之形于羴也雖猴屬也

騰猱

蟬史云騰猱一名騰豺沐猴類也頭正方貌類人鬚長尺餘常覆面欲有所視輒搖頭以西手披之

猩猩

蟬史云猩猩似猿人面能言聲如小兒人頭不身出交趾其唇味極美呂氏春秋曰猩猩之唇獲獲之炙又曰猩猩之唇翰音之距高誘註曰猩猩人面狗軀而長尾

山海經云鵲山有獸狀如狒類猴鬚垂地江東山中亦有之名猩猩能人言韻府群玉云胡人取其血染毛罽刺其血問之曰與我幾許若加之鞭箠問之隨所加一斗其血染紅天下絕色故曰猩猩紅淮南子曰猩猩知往而不知來

蓋謂知人家往事及祖父名位柳子厚答天問曰何獸能
言答曰獸言嚶嚶人名是達註云猩猩能知人名也

汲冢周書云獼人前見見若獼猴立行聲如小兒註云獼
人東夷別種言其所貢之物疑即猩猩也又曰都郭生生
若黃狗人面能言註云都郭北狄名生生即猩猩也

袁牢夷出猩猩形如狗而人面頭頰端正善與人言聲啼
紗麗如婦人對語

按猩猩在山谷間常數百為群里人以酒并糟設于路側
又愛着屐里人織草為屐更相連結猩猩見酒及屐知里
人設張能知張者祖先姓字及知彼之誘計戒莫飲酒久

之乃相謂曰試共嘗之及飲甘乃大酌連醉因取狼看之
遂為人所擒

鬻罵

一作狒狒
一作罵

爾雅云狒狒如人披髮迅走食人註云梟羊也狀如人面
長唇黑身有毛及踵見人則笑大者長丈餘俗呼曰山都
淮南子曰梟羊山精也似飛遽李善曰梟羊即狒狒也
陳藏器曰鬻罵之血飲之令人見鬼亦堪滌緋其赤髮可
為頭髮出西南夷如猴汲冢周書云州靡費費其形人身
枝踵自笑笑則上唇翕其目食人北方謂之土螻註云州
靡北狄也費費名梟羊立行如人被髮前足稍長

蟬史云佛佛俗呼野人赤髮被地猴形人立長指潤唇好以指甲剖人心肝而食之土人取之法以竹管套其手佛佛見人則必曳人之手仰面大笑笑則上唇掩其目人潛于竹管內出其手以銳釘釘其額唇不得下目無所見佛佛所執竹管捏為粉碎任其奔走力疲就擒取其髮為堯鑿之纓血堪染緋而脣亦不減于猩唇也

野人蟬史云野人之種最多猩猩狒狒獼父野婆皆是然尚有毛人又有木客皆另是一種如晉時秦精入武昌山採藥遇一毛人長丈餘引精至山曲示以聚茗既別探懷中橘與精精佈而歸如宋咸平間永州永平洞有野人雌

者突入田中擒一少年置洞中與之臥起既而逃歸如上
洛山中多木客乃鬼類言貌似人能斫杉枋與人交易常
就民間飲酒如南州有野婆黃髮椎髻跣足裸形儼然一
娼也其群皆雌無匹偶上下山谷如飛猿自腰以下有皮
蓋膝每遇男子必負去求合嘗為健夫所殺至死以手護
腰間剖之得印方寸瑩若蒼玉字類符篆文

獼一作

爾雅云獼父善頤註云獼猴似狢猴而大色蒼能攬持人
好顧盼山海經云臯塗山獸如白鹿前兩脚似人手後兩
脚似馬蹄四角名獼呂氏曰狗似獼獼似母猴抱朴子曰

猿五百歲變為獾獾壽千歲變為蟾蜍

酉陽雜俎云蜀西南高山有物如猴狀長七尺名猢猻一曰馬化好竊人妻多時形皆類之盡姓楊今蜀中姓楊者往往獾瓜博物志云蜀南沈黎山有獾路見婦人盜負入穴西番部落最多

穀○郭璞曰穀似鼪而大腰以沒黃一名黃腰食狝猴或云似豹而小說文作穀曰犬屬腰以上黃腰以沒黑食母猴或云穀似牂羊犬首而馬尾雜俎曰黃腰一名唐已人見之不祥俗云能食虎小者名曰青腰亦能食虎腰以沒青色故也爾雅曰貔白狐其子穀一名執夷虎豹之屬

獬狔○張揖曰獬狔似獼猴頭上有髦腰以後黑或曰獬狔似猿而白詩疏云老猴為獬狔駿捷其鳴噉噉而悲

罴○山海經云喻次山獸狀如狒狒長臂善殺名曰罴

獨○埤雅曰獨猿類也似猿而大食猿猿性群獨性特猿鳴三獨鳴一是以謂之獨又曰蛙鳴夜獨鳴曉類從曰獨一鳴而猿散罴一鳴而龜伏蟬史云獨如虎白身永髦黑出北嶧山

獬狔○異物志云獬狔狀如猿逢人則叩頭小打便死得風就活交州記云獬狔出九德縣似猿見人若慚出頸打殺得風便活

康○爾雅云康迅頭郭氏曰建平山中有康大如狗似獼猴黃色多鬚鬣奮迅其頭能投石擲人獼類也

厭火獸○山海經云厭火國有獸身黑色火出口中狀如猴如人行立

獼狙○山海經云獼狙似猴而赤莊子曰獼徧狙以為雌崔氏曰獼狙一名獼狙狎似猿而狗頭或云似狼而赤即獼狙非猴也

蒙賁○爾雅曰蒙頌徠狀郭氏曰即蒙賁也似雌而小紫黑色可畜養以捕鼠豚于猫九真日南皆有之

長鬣○山海經云浮玉山獸狀如猴四耳虎毛而牛尾音

如犬吠名曰長彘食人見則大水

獼猴○山海經云春光山獸如獼猴人面彘鬣穴居冬蟄
名曰獼裘音如斫木聲見多徭徭

長舌○長舌山獸名長舌狀如鼎而四耳見則郡多水旱

熊

埤雅云熊似豕豎山居春出冬蟄性輕捷攀援上高木見
人則顛倒自投地而下當心有白脂如玉味甚美俗呼熊
白寒月則有夏月則無其膽春在首夏在腹秋在左足冬
在右足好舉木而引氣謂之熊經冬蟄不食飢則自舐其
掌故其美在掌周官司裘王大射則共虎侯熊侯豹侯設

其鵠諸侯則共熊侯豹侯卿大夫則共麋侯皆設其鵠註

云虎侯王所射熊侯諸侯所射豹侯卿大夫以下所射也

周官司常掌九旗之名物各有屬以待國事熊虎為旗註

云熊虎取其猛今按世間旗上所圖熊虎皆有雙翼本曰

中亦有國周官方相氏掌蒙熊皮黃金四目玄衣朱裳執

戈揚盾抱朴子曰熊壽五百歲能化為狐狸

本草云熊掌為食珍之貴古最重之然膈之得酒醋

水三件煮熟則膜大如皮毯詩曰維熊維羆男子之祥

墨客揮犀云熊于山中行數千里悉有跣伏之所必在杯

水巖谷中山民謂之熊館

羆

埤雅云羆如熊而大黃白文長首高脚從音目能緣能立
猛慙多力遇人則擘而攫之俗云熊羆眼直惡人橫目淮
南子曰熊羆之動以攫搏兕牛之動以觝觸是也其白生
於心之下育之上亦如熊白而粗秋冬則有春夏則無勇
猛多力能拔大木俗云熊羆富脂至春臄癢即登高木自
墜謂之撲臄今人畜熊以提撻之更致壯長蓋倣于此或
曰羆有黃赤二種豺畏虎虎畏羆蓋羆披髮人立絕有力
舊云獅子虎見之而伏豹見之而瞑唯羆見之而躍獅子
又畏羆故也汲冢周書曰東胡黃羆

陳師道羆說曰晉人以五犬逐一羆羆驚而力長于用犬弱而健巧于用小顧左而右逐前而後羆不能轉也行不數十里羆敗而犬伏故獸之驚者小莫如虎齒莫如象而羆食之故稱勇力者必曰羆而顧受制于犬者過非其故困于羣犬耳

熊○說文云熊屬足似鹿从肉能獸堅中故稱賢熊而強壯稱熊傑也汲冢周書云不屠何賁青熊正云不屠何東北夷也

三足熊亦曰熊

黽○爾雅云黽似熊竊毛而黃郭氏曰建平山中有此獸狀如熊而小毛淺赤黃色俗呼赤熊即黽也

重刊

新書

別其小所寢櫓
者之名

之所

四猶

皆白孩

也猶
蹄

其跡刻絕

有力貌

別其小所寢櫓所臥四獺皆白孩也猶蹄其跡刻絕有力死
牝犯方言曰猪燕朝鮮之間謂之猯關東謂之彘或謂之
承南楚謂之豨其子謂之豨吳楊之間謂之猪說文云牡
豕曰豶豕母曰豮又曰犯老母豕曰豮小母豕曰豮小豕
曰豚豕一歲曰豮豕生三月曰彘豕高五尺曰豮又作豮
老豕曰豮猪求子曰豮豕齧地曰豮豕怒毛豮豕豮豕豮
悅曰豮豕鳴曰豮呼猪聲曰豮豕息曰豮養豕曰秦良猪
曰豮豕壯大曰豮長毛曰豮西豕曰豮豕生三子曰豮
本草會編曰豮立尺為豮凡猪骨細少筋多膏大者有重
百餘斤食物至寡故人畜養之甚易生息

朝野僉載述羅氏曰豕之性能水故牧豕之所在必水草之交此所以豕从豕蓋豕所食息也埤雅曰豕彘也竭其尾故謂之豕犬喜雪馬喜風豕喜雨故天將雨則豕進涉水波詩曰有豕白蹄烝涉波矣月離于畢俾霑霑矣

張南軒曰易曰坎為豕蓋豕主污濕其性趨下故坎為豕吳氏曰前後皆陰之污濁而中心剛躁者豕也故坎為豕陸佃曰豕能俯其首又喜卑穢性趨下亦水畜也故坎為豕按禮云羊曰柔毛豕曰剛鬣又曰豕曰肥腍說文曰牛羊曰肥豕曰腍豚曰肥腍蓋蕪之也夫豚豕善肥故易云羸豕孚蹢躅又曰牝豕曰𧢲說文又以謂豕二歲曰𧢲蓋

能相把挈也說文曰巳象蛇之形亥象豬之形蓋一陽生于子至巳而六陽備一陰生于午至亥而六陰備故二字皆象形也

周禮云豕宜稷犬宜粱註云豕土畜稷水穀此以土尅水為宜犬金畜粱土穀此以土生金為宜也周礼辨腥臊膾香之不可食者豕肯眊而交睫腥古今註云羊為長髯主簿豬為長喙將軍

朝野僉載曰唐拱州人有畜豬致富號豬為烏金

豪豬○蟬史云豪豬一名狙豬夾脾粗毫至長數尺能以頭上豪射物其毫大如筭白而黑端入肉處繞二三分中

間白處常隱不見但見其黑端耳怒則白色露而激去此
蓋怒氣所發未必以射人也其毫特達出于其類與他豬
形狀絕然迥異故才出衆曰豪一說自孕而生惟豪豬為
然故曰厥體兼資自為牝牡者是也星宗三十六禽夾上
有三豕獼豪豬山海經曰竹山有獸其狀如豚白毛毛大
如筭而黑端以毛射物名豪豬本草云豪豬一名蒿豬取
其毛箭可為簪名蒿豬簪毛如蝟簪搖而射人豬之類也
懶婦○虞衡志曰懶婦如山豬而小喜食禾田夫以機軸
織絰之器掛於田頭則不濩近廣右安平七源等州有之
野豬○蟬史云一名野豕一名獬生山中似豕而大毛黃

而鍊皮堅而厚好踐食種荳稼頗為民患大者重二百斤
能以頭觸人倒地以牙挑腸而食之於叢鬱處含枯柴作
窠藉以並茅周禮庖人掌共六獸六獸謂麋鹿狼麝野豕
也寇宗奭曰野豕京西界甚多形如家豬但腹小腳長毛
色褐群行獵人惟取最浚者射中箭奔則群豬散走傷人
等○萬花谷云南蠻室利佛逝有獸類野豕角如山羊名
曰𦍋味甚美

𦍋○几山有獸如羴黃身白首白尾名曰羴見即大風
當庚○欽山獸如豚名當庚其名自呼見則天下大稔
鼈封○匡陽以鼈封若羴前後有首匡陽名

鼠

埤雅云鼠類最壽故謂之老鼠若老鶴老鷹老鳥之類是也鼠性疑出穴多不果故持兩端謂之首鼠韓子曰狐鼠進退其行一前一却故也詩云誰謂雀無角又曰誰謂鼠無牙蓋雀有味而無角鼠有齒而無牙傳曰不思物變而然其類雀之穿屋似有角者又曰視牆之窠推其類可謂鼠有牙者明鼠無牙者也蓋詩以雀言獄鼠言訟也鼠一名鼯南陽呼鼠為鼯方言曰宛野謂鼠為鼯廣雅曰鼯鼠是也傳曰窮鼠齧狸言鼠窮則聞也

草木子曰術家以十二肖配十二辰每肖各有不足鼠無

牙牛無齒虎無脾兔無脣龍無耳蛇無足馬無膽羊無神
猴無腎雞無腎犬無腸猪無肋人則無不足也

考工記曰鼠膠黑魚膠餌犀膠黃本草云人食巴豆而瘡
鼠食巴豆而肥人食野葛而死羊食野葛而肥陶隱居云
仙人吞巴豆一粒輒死鼠食之三年重三十斤

一統志云山西大同各州出一種鼠名黃鼠東寧縣出青
鼠皮貂鼠皮海州衛黃鼠味最佳遼東甘肅地土人多珍
之酉陽雜俎云人夜臥無故失髻者鼠妖也

施○蟬史云鼯一名竹鼠一名竹鼯一名稚子燕山錄云
煮羊以鼯煮幣以蚊蓋其性類相感省火易熟也浙東衢

州出竹鼯大如負嶽多膏中啖土人珍之好伏土底食竹根未嘗見日如家鼠蒼色尾短如兩粒米許目細而長前足不爪指乃一片者後足微有爪指或云穴地而走食竹水草根不見天日人掘得之旬旬不能走蓋脚短不便故也

鼯鼯○爾雅云鳥鼠山有鳥鼠同穴其鳥曰鵲其鼠曰鼯鼯如家鼠而短尾其穴入地三四尺鼠在內鳥在外孔安國曰共為雌雄同穴而處

鼯鼠○埤雅云鼯鼠一名鼯鼠一名鼯鼯似鼠而小

鼯鼠○唐韻云鼯鼠小鼠也相舍而行蟬史曰鼯鼠俗呼

土鼠又名土猪似猪而小無目黑色穿土而行天將雨則
鳴行必成群銜尾魚貫而進以目瞽俱顛蹶也身臭雖猫
犬亦不食之一名隱鼠

鼯鼠○山海經云天地山有獸如兔而鼠首以其背毛飛
飛即仰名曰飛鼠文選註云一名飛蝠以其髯飛郭璞云
蝠鼯鼠也毛紫赤色飛且生一名飛生或曰鼯鼠一名夷
暢一名鷦鳥似蝙蝠聲如人呼埤雅曰鼯鼠爾雅所謂鼯
鼠夷由狀如小狐肉翅翅尾項脅毛皆赤紫色背上蒼艾
色腹下黃喙頰雜白腳短爪長尾三尺許飛且乳亦謂之
飛生一名飛鼯其狀如兔而鼠首以其髯飛性食火烟能

從高赴下不能從下上高馬融曰猿雖晝吟鼯夜叫而子
所謂鼯鼠五技而窮即此也按螻蛄亦名鼯鼠五技而窮
指螻蛄耳

鼯鼠○唐韻云鼯鼠每月三易其腸博物志云唐公房合
宅登仙雞犬皆去唯鼠惡其不淨一日三易其腸今故傳
此鼠是也

鼯○蟬史云鼯一名鼯一名黃鼠狼又名鼠豺如鼠而大
純黃色善捕鼠亦能盜竊鷄鴨人頗患之埤雅云鼯鼠似
貂赤黃色似鼠而大尾亦大廣雅鼠狼鼯是也莊子曰騶
騶捕鼠不如狸狌作鼯

鼯鼠○爾雅云鼯鼠身長鬚秦人謂之小鼯郭璞曰似鼠而
馬蹄一歲千斤為物殘賊又曰今江東山中有鼯鼠狀如
鼠而大蒼色在樹木上

鼯鼠○埤雅云鼯鼠有螫毒甘口螫人及鳥獸皆不痛春
秋所書食郊牛角者是也博物志云鼯鼠之最小者或云
甘鼠是也食人死膚令人患惡瘡多是此虫本草云鼯鼠
有毒食人及牛馬等成瘡至死不覺此虫極細不可卒見
董仲舒曰鼯鼠食郊牛角皆養牲不謹也京房易傳曰祭
天不謹厥妖鼯鼠食郊牛角蓋子不子故鼠食其郊牛也
鼯鼠○爾雅云鼯鼠地中行鼠乃伯勞所化陶弘景曰鼯

鼠一名隱鼠如鼠大而無尾黑色長鼻甚強常穿耕地中而行陳藏器曰隱鼠陰穿地而行見月光則死或曰是野田中尖嘴鼠也蟬史云蚡鼠似狸而大蒼灰色與獬相類能穿觸田土中作穴一名觸狼亦能害稼或曰形類鼠而肥多骨色黑口鼻尖大

鼠一作蚡

碩鼠○爾雅云鼯鼠郭註云形大如鼠頭似兔尾有毛青黃色好在田中食粟苴闕西呼為鼯鼠埤雅云碩大也言鼠之大者也詩云碩鼠碩鼠無食我黍所以刺重歛也陸機曰河東有大鼠能人立交前兩脚於頭上能舞善鳴食人禾苗或謂之雀鼠又曰鼯鼠一名禮鼠蓋見人交其前

足而拱如人之有禮也一名拱鼠詩云相鼠有體人而無
禮言之反不如鼠之知禮也易云晉如碩鼠以言晉卦六
五之所蕃錫而康九四之所以貪竊而悞也苦心識余曰
詩咏碩鼠刺其貪易言碩鼠象其貪

栗鼠○埤雅云栗鼠蒼黑而小尾大于鼯取其尾之毫可
以製筆世所謂鼠鬚栗尾是也蟬史云栗鼠一名松鼠食
松實及栗橡山巢之物形類家鼠而小尾大而長身輕而
健飛擲林杪宛若飛鳥鼠類之可玩可愛者也

火鼠○草木子曰火鼠生于火中南方有之取其毛以為
火浣布經火不焚或云火鼠長丈餘入火不燒安南有火

雜卽此類也。叢書記云：西域有火鼠之布，東海有不灰之鼠。水鼠，○蟬史云：水鼠生于水中，不入人家。俗云：直蛇橫鼠，蓋蛇好順流而行，鼠好橫流而渡也。神異經云：北方水厚百丈，有小鼠在下，毛可爲褥，卽水鼠也。

鼯鼠，○蟬史云：鼯一作鼯，一作鼯。圖經云：鼯鼠似牛而鼠首，足黑色，大者十斤多，伏於水，又能偃水放沫，故云鼯鼠。陶隱居曰：鼯鼠大如水牛形，似豬，灰赤色，下脚似象，曾前尾上皆白，有力純赤者亦有之。取食之味如牛肉，堪作脯。一名鼯王，其精弱，一滴落地輒成一鼠。

鼯鼠，○蟬史云：鼯大鼠也，聲若犬吠，或云鼯獸似鼠，郭氏

曰山海經云鼪鼠未詳其形有鼪鼠有鼪鼠有鼪鼠俱未詳其形

鼪鼠○夏小正云鼪鼠則六

鼪鼠○蟬史云鼪鼠似類裡藏食之鼠也

鼪鼠○說文云鼪鼠之屬能飛食虎豹山海經云渠搜國有犬名曰鼪犬一名露犬高三尺有翼能飛汲冢周書云渠搜以鼪犬鼪犬露犬也能飛食虎豹

鼪鼠○爾雅云豹文鼪鼠註云鼠文彩如豹者

鼪鼠○說文曰鼪鼠豹文而形小出胡地可作裘

鼪鼠○埤雅曰鼪鼠類緝毛者也其皮煥于狐貉取以為

帽得風則煖其毛拂面如焰朔地苦人以其皮溫額後代以金璫飾首前挿貂尾至漢因焉加以附蟬為文侍中挿左常侍挿右宋志云金蟬王紹漢官儀云金取堅剛百鍊而不耗蟬取其潔居高飲絮而不食貂取內勁悍外溫玉取其潤色紫蔚而不燿

土撥鼠○土撥鼠出西蕃山澤穴土為窠形似獺夷人掘取食之

貂○本草圖經曰貂狀類猓脚短多刺尾長寸餘人觸便藏頭足外皆毛刺平不可握入藥惟蒼白色脚短似猪蹄者佳鼠脚者次毛端有兩岐者名山积鼠肉味酸者名虎鼠味苦而皮褐色類兔皮者名山獾艾穀子曰刺猓

兩岐者曰蝟如棘刺者曰蝟蝟狀如鼠性極獐鈍物少犯
近則毛刺攢起如矢兩雅所謂彙毛刺者是也易云拔茅
連茹以其彙征吉彙之為物以類行以類止故又為以其
彙征又曰火爍金故鵲啄蝟蝟能制虎鵲能制蝟蝟能相
暗撞○百感錄云西北獸類黃鼠而短喙無目性狡善聽
聞人足音輒逃匿有時誤聞他聲驚惶奔竄土人呼為
耳鼠○山海經云丹熏山獸如鼠而無首糜耳音如犬聲飛
銀鼠○似貂而白色毛長三寸柔煥可愛皮膝
黃鼠○出遼東寧夏甘肅大同等處黃色多膏
者名青鼠或云黃鼠多伏地中